

Na osnovu člana 29. stav (3) i člana 37. Zakona o izvršavanju Budžeta Federacije Bosne i Hercegovine za 2025. godinu („Službene novine Federacije BiH“, broj 7/25) na prijedlog federalnog ministra poljoprivrede, vodoprivrede i šumarstva, Vlada Federacije Bosne i Hercegovine, na _____ sjednici održanoj _____ 2025. godine, donijela je

ODLUKU

O USVAJANJU PROGRAMA UTROŠKA SREDSTAVA SA KRITERIJIMA RASPODJELE SREDSTAVA "SUBVENCIJE PRIVATNIM PREDUZEĆIMA I PREDUZETNICIMA - POTICAJ ZA VETERINARSTVO" UTVRĐENOG BUDŽETOM FEDERACIJE BOSNE I HERCEGOVINE ZA 2025. GODINU FEDERALNOM MINISTARSTVU POLJOPRIVREDE, VODOPRIVREDE I ŠUMARSTVA

I

Usvaja se Program utroška sredstava sa kriterijima raspodjele sredstava "Subvencije privatnim preduzećima i preduzetnicima - Poticaj za veterinarstvo" utvrđenog Budžetom Federacije Bosne i Hercegovine za 2025. godinu ("Službene novine Federacije BiH", broj 7/25) (u daljem tekstu: Program).

Sredstva za realizaciju Programa isplatit će se sa razdjela 24, pozicija 6145 "Subvencije privatnim preduzećima i preduzetnicima - Poticaj za veterinarstvo", utvrđenog Budžetom Federacije Bosne i Hercegovine za 2025. godinu u iznosu od 3.500.000,00 KM.

II

Realizacija Programa iz tačke I. ove Odluke vršit će se u zavisnosti od ostvarenih prihoda u Budžetu Federacije Bosne i Hercegovine, a u skladu sa odredbama Zakona o veterinarstvu („Službene novine Federacije BiH“, broj 46/00).

III

Program čini sastavni dio ove Odluke.

IV

Za realizaciju ove Odluke zadužuju se Federalno ministarstvo poljoprivrede, vodoprivrede i šumarstva i Federalno ministarstvo finansija, svako u okviru svoje nadležnosti.

V

O utrošenim sredstvima iz tačke I ove Odluke Federalno ministarstvo poljoprivrede, vodoprivrede i šumarstva je dužno podnositi tromjesečni izvještaj Federalnom ministarstvu finansija.

VI

Ova Odluka stupa na snagu narednog dana od dana objave u "Službenim novinama Federacije BiH".

PREMIJER

Nermin Nikšić

V broj _____/25
Sarajevo, _____ 2025. godine

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede, vodoprivrede i šumarstva

P R O G R A M

**UTROŠKA SREDSTAVA SA KRITERIJIMA RASPODJELE
„SUBVENCije PRIVATNIM PREDUZEĆIMA I PREDUZETNICIMA -
POTICAJ ZA VETERINARSTVO“ UTVRĐENOG BUDŽETOM
FEDERACIJE BOSNE I HERCEGOVINE ZA 2025.GODINU**

Sarajevo, mart 2025. godine

PROGRAM

utroška sredstava sa kriterijima raspodjele „Subvencije privatnim preduzećima i preduzetnicima - Poticaj za veterinarstvo“ utvrđenog Budžetom Federacije Bosne i Hercegovine za 2025. godinu

1. **Period realizacije** od 01.01. do 31.12.2025. godine

2. **Ukupna vrijednost** 3.500.000,00 KM

3. **Namjena Programa**

Ispitivanje zaraznih bolesti bruceloze, tuberkuloze i enzootske leukoze goveda. Ispitivanje uzoraka krvi životinja koje su pobacile i kopitara na infektivnu anemiju konja. Ispitivanje službenih uzoraka na prisutnost salmonele kod žive peradi u odobrenim ili registrovanim farmama. Ispitivanje u slučaju pojave bolesti zoonotičnog karaktera i drugih bolesti koje se sporadično javljaju, a čija pojava može značajno uticati na zdravlje životinja ili imati značajne ekonomske posljedice. Ispitivanje na američku gnjiloću pčelinjeg legla (AGPL). Nadoknada štete za uginule, ubijene ili zaklane i neškodljivo uklonjene životinje. Provođenje mjera DDD-a na zaraženim imanjima i transportnim sredstvima. Educiranje vlasnika životinja i dodatno obrazovanje doktora veterinarske medicine putem savjetovanja i seminara. Praćenje zdravstvene ispravnosti hrane životinjskog porijekla u odobrenim i registrovanim objektima. Implementacija odobrenih Programa i Planova čijom provedbom će se dobiti detaljnije informacije o prisutnosti uzročnika bolesti životinja i omogućiti blagovremeno poduzimanje mjera sprječavanja njihovog širenja.

4. **Korisnici Programa**

Veterinarske stanice i ustanove koje prema članu 79. Zakona o veterinarstvu („Službene novine Federacije BiH“, broj 46/00) provode veterinarsku djelatnost, fizička i pravna lica – vlasnici neškodljivo uklonjenih životinja.

5. **Izvor sredstava**

Budžet Federacije Bosne i Hercegovine za 2025. godinu, sredstva utvrđena na razdjelu 24, pozicija 6145 "Subvencije privatnim preduzećima i preduzetnicima - Poticaj za veterinarstvo".

6. **Nosilac Programa**

Federalno ministarstvo, poljoprivrede, vodoprivrede i šumarstva

7. **Odgovorno lice**

Kemal Hrnjić, ministar

POGLAVLJE I UVOD

Program utroška sredstava "Subvencije privatnim preduzećima i preduzetnicima - Poticaj za veterinarstvo" za 2025. godinu (u daljem tekstu: Program) obuhvaća sredstva predviđena za otkrivanje, suzbijanje i iskorjenjivanje zaraznih bolesti životinja, kao i sredstva namijenjena za kontrolu zdravstvene ispravnosti hrane životinjskog porijekla. Dio aktivnosti na otkrivanju, suzbijanju i iskorjenjivanju zaraznih bolesti životinja bit će financiran od strane Ureda za veterinarstvo Bosne i Hercegovine.

POGLAVLJE II CILJEVI I SVRHA PROGRAMA

Programom je obuhvaćeno sufinansiranje provođenja mjera sprječavanja širenja i iskorjenjivanja zaraznih bolesti koje su zakonska obaveza, shodno visini odobrenih sredstava u Budžetu Federacije BiH za 2025. godinu.

U svrhu nastavka ispunjenja uslova za izvoz mlijeka na tržište EU kao i tržište susjednih zemalja, neophodno je provesti dijagnostičko ispitivanje mliječnih goveda na brucelozu, tuberkulozu i enzootsku leukozu. Iz Programa će se sufinansirati provođenje mjera propisanih Programom mjera zdravstvene zaštite životinja i njihovog provođenja, veterinarskim stanicama koje imaju dodijeljeno područje djelovanja u skladu sa Pravilnikom o uslovima za osnivanje i obavljanje veterinarske djelatnosti i dodjelu područja djelovanja („Službene novine Federacije BiH“, broj 5/16).

Tokom 2025. godine iz ovog Programa sufinansirat će se dijagnostičko ispitivanje na brucelozu, tuberkulozu i enzootsku leukozu ženskih goveda i njihovog ženskog podmlatka namijenjenog za daljnji uzgoj.

Na tuberkulozu će se ispitati sva ženska grla starija od šest sedmica, na brucelozu starija od 12 mjeseci, a na enzootsku leukozu starija od 24 mjeseca pod uslovom da period od prethodnog ispitivanja na sve tri bolesti nije kraći od šest mjeseci.

Vakcinisanje ovaca i koza protiv bruceloze provodit će se na cijelom području Federacije BiH. Sredstva za realizaciju vakcinacije malih preživača protiv bruceloze u 2025. godini obezbijedit će Ured za veterinarstvo BiH. Sve detalje o načinu provođenja i uslovima za njenu realizaciju propisat će Ured za veterinarstvo BiH putem posebnog uputstva.

Dijagnostičko ispitivanje službenih uzoraka na prisutnost salmonele kod žive peradi provest će se na odobrenim ili registrovanim farmama, s ciljem provjere njihovih programa samokontrole, a prema posebnom Planu kojeg će donijeti Federalno ministarstvo poljoprivrede, vodoprivrede i šumarstva.

Programom je predviđeno finansiranje ispitivanja krvi životinja u slučaju pobačaja na brucelozu, Q-groznicu i klamidiju.

Programom je predviđeno sufinansiranje ispitivanja krvi životinja na infektivnu anemiju kopitara.

Službeno uzorkovanje namirnica životinjskog porijekla provest će se u skladu sa posebnim Planom kojeg će donijeti Federalno ministarstvo poljoprivrede, vodoprivrede i šumarstva.

Iz Programa će se finansirati ispitivanje divljih životinja i životinja na imanjima, u slučaju pojave bolesti zoonotičnog karaktera, bolesti plavog jezika, afričke svinjske kuge i drugih bolesti koje se sporadično ili endemično javljaju, a čija pojava može uticati na zdravlje životinja ili imati značajne ekonomske posljedice.

U skladu sa članom 8. Pravilnika o postupku isplate naknade štete za neškodljivo uklonjene seropozitivne životinje („Službene novine Federacije BiH“, br. 98/12 i 88/18), iz Programa će se i u 2025. godini nastaviti finansirati nadoknada vlasnicima uginulih, ubijenih ili zaklanih i neškodljivo uklonjenih životinja u iznosu od 50% procijenjene vrijednosti životinje.

Iz Programa će se finansirati troškovi ekipa doktora veterinarske medicine i drugih veterinarskih zaposlenika kod izbijanja zaraznih bolesti, eradikacija i drugih nepredviđenih situacija u skladu sa procjenom ovog Ministarstva i uslovima propisanim Uputstvom.

Iz Programa je predviđeno finansiranje seminara, savjetovanja i radionica u skladu sa Programom obuke službenih veterinaru u Federaciji BiH za period 2021. – 2025. godine, te sufinansiranje seminara, savjetovanja i radionica za čije realizovanje se dokaže značaj za suzbijanje bolesti od interesa za Federaciju BiH.

U slučaju postavljanja sumnje na američku gnjiloću pčelinjeg legla (AGPL), veterinar koji provodi kliničku pretragu će obavezno uzeti uzorak i dostaviti ga na laboratorijsku pretragu koja će se finansirati iz sredstava Programa.

Rezultati dijagnostičkog ispitivanja na zarazne bolesti su pokazatelj epizootiološke situacije u Federaciji BiH i omogućavaju blagovremeno poduzimanje mjera na suzbijanju, sprječavanju širenja i iskorjenjivanju zaraznih bolesti. U ovu svrhu iz Programa će se finansirati implementacija odobrenih Programa i Planova dostavljenih od strane Veterinarskog fakulteta Univerziteta u Sarajevu koji na osnovu člana 150. Zakona o veterinarstvu („Službene novine Federacije BiH“, broj 46/00), obavlja poslove Veterinarskog instituta Federacije, a čijom provedbom će se dobiti detaljnije informacije o prisutnosti uzročnika bolesti životinja i omogućiti blagovremeno preduzimanje mjera sprječavanja njihovog širenja.

Proizvodnja sigurnog proizvoda i dalje je osnovni cilj kada je u pitanju realizacija ovog Programa, sa tim razlogom provodi se službeno uzorkovanje namirnica životinjskog porijekla kako bi se utvrdile smjernice za daljnje preventivno djelovanje.

POGLAVLJE III USLOVI ZA DODJELU SREDSTAVA

Pravo na finansijska sredstva utvrđena na razdjelu 24, pozicija 6145 "Subvencije privatnim preduzećima i preduzetnicima - Poticaj za veterinarstvo" odobrvat će se fizičkim i pravnim licima koja ispune uslove utvrđene ovim Programom.

Da bi pravna lica ostvarila pravo na finansijska sredstva iz ovog Programa potrebno je dostaviti dokumentaciju kojom dokazuju da ispunjavaju slijedeće uslove:

1. da su registrovani u Sudskom registru;
2. da posjeduju važeće rješenje o obavljanju veterinarske djelatnosti i rješenje o dodijeljenom području djelovanja;
3. da posjeduju dokument izdan od strane nadležnog kantonalnog ministarstva kojim se potvrđuje da je veterinarska stanica u skladu sa članom 110. Zakona o veterinarstvu („Službene novine Federacije BiH“, broj 46/00), u propisanom roku dostavila izvještaje;
4. da posjeduju dokument (EKG) izdan od strane Agencije za označavanje životinja kojim se potvrđuje da ispitane životinje imaju aktivan status u bazi podataka;
5. da posjeduju dokument izdan od strane Porezne uprave Federacije i Uprave za indirektno oporezivanje BiH kojim se potvrđuje da su izmirili obaveze ili sklopili sporazum o reprogramiranju duga za 2024 godinu;
6. da su u propisane evidencije Federalnog veterinarskog informacionog sistema (FVIS) unijeli sve tražene podatke.
7. Da su napravili te kantonalnoj i federalnoj upravi za inspekcijske poslove dostavili Plan provođenja TBC-a koji treba da sadrži datum provođenja mjere i naseljeno mjesto definisano rješenjem o dodjeli područja djelovanja.

Dokumenti iz tačke 1. do 2. dostavljaju se samo u slučaju da je bilo izmjena.

POGLAVLJE IV VISINA I RASPODJELA SREDSTAVA

Sredstva u iznosu od 3.500.000,00 KM raspoređuju se za minimalni obim veterinarskih aktivnosti kako se vidi iz sljedećeg tabelarnog pregleda.

Red. Broj	NAZIV PROGRAMA	SVRHA PROGRAMA	KRITERIJ ZA RASPODJELU	IZNOS u KM	IZVORI SREDS TAVA	PRAVNA/FIZIČKA LICA KOJA PRIMAJU TRANSFER
1.	Program utroška sredstava s kriterijima raspodjele „subvencija privatnim preduzećima i preduzetnicima-poticalj za veterinarstvo“ utvrđenog Budžetom Federacije Bosne i Hercegovine	<p>A) Ispitivanje zaraznih bolesti bruceloze, tuberkuloze, enzootske leukoze goveda, plavog jezika i salmoneloze. Ispitivanje uzoraka krvi životinja koje su pobacile i kopitara na infektivnu anemiju konja. Ispitivanje službenih uzoraka na prisutnost salmonele kod žive peradi u odobrenim ili registrovanim farmama. Ispitivanje u slučaju pojave bolesti zoonotičnog karaktera i drugih bolesti koje se sporadično ili endemično javljaju, a čija pojava može značajno uticati na zdravlje životinja ili imati značajne ekonomske posljedice. Ispitivanje na američku gnjiloću pčelinjeg legla (AGPL). Nadoknada štete za uginule, ubijene ili zaklane i neškodljivo uklonjene životinje. Provođenje mjera DDD-a na zaraženim imanjima i transportnim sredstvima. Praćenje zdravstvene ispravnosti hrane životinjskog porijekla u odobrenim i registrovanim objektima. Troškovi ekipa doktora veterinarske medicine i drugih veterinarskih zaposlenika kod izbivanja zaraznih bolesti, eradikacija i druge nepredviđene situacije. Ažuriranje brojnog stanja životinja na imanjima</p> <p>B) Educiranje vlasnika životinja i dodatno obrazovanje doktora veterinarske medicine putem savjetovanja i seminara.</p> <p>C) Implementacija posebnih Programa i Planova</p>	<p>- Broj uzetih uzoraka i broj ispitanih uzoraka.</p> <p>- Za veterinarske stanice cijena uzimanja uzoraka krvi 8,00 KM, tuberkulinizacija 17,50 KM po životinji,</p> <p>- Za veterinarske ustanove cijena pretrage za brucelozu Roze Bengal test 6,50 KM i RVK test 17 KM, Q-groznicu 6,00 KM, Enzoosku leukozu goveda 8,00 KM, Salmonelu 40,00 KM, Bolest plavog jezika 15,00 KM, uzorke krvi životinja koje su pobacile 60,00 KM, Infektivna anemija kopitara 30,00 KM, AGPL 10,00 KM.</p> <p>Broj neškodljivo uklonjenih životinja po tržišnoj cijeni na dan uklanjanja.</p> <p>Računi za provedene postupke DDD-a 0,50 KM/m2</p> <p>Broj ispitanih službenih uzoraka na osnovu Plana službenog uzorkovanja.</p> <p>Račun za rad DVM i drugih veterinarskih zaposlenika u skladu sa Uputstvom.</p> <p>U cijene je uračunat PDV.</p> <p>- Održana savjetovanja i seminari, odobreni zahtjevi za sufinansiranje, štampanje brošura i drugog edukativnog materijala</p> <p>- Odobreni Programi i Planovi</p>	<p>3.345.000,00</p> <p>40.000,00</p> <p>115.000,00</p>	BUDŽET FEDERACIJE BIH	<p>Veterinarske stanice, i ustanove koje prema članu 79. Zakona o veterinarstvu („Službene novine Federacije BiH“, broj 46/00) provode veterinarsku djelatnost, fizička i pravna lica – vlasnici neškodljivo uklonjenih životinja</p> <p>Odabrani ponuđač u postupku javne nabavke za organizaciju seminara i savjetovanja i organizacije odnosno pravna lica kojima se odobri sufinansiranje</p> <p>Veterinarski fakultet Univerziteta u Sarajevu</p>
U K U P N O : 3.500.000,00 KM						

MACT